

Zeitschrift: Nebelspalter : das Humor- und Satire-Magazin
Band: 92 (1966)
Heft: 22

Artikel: Mitunter gibt man schrecklich an [...]
Autor: Drews, Richard
DOI: <https://doi.org/10.5169/seals-505753>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 13.05.2025

ETH-Bibliothek Zürich, E-Periodica, <https://www.e-periodica.ch>

Am Hirsch ji Mainig







An Obarfuula: In dar Schual froogat dar Lehrer dar khlii Hansli, ob är au dZee butza tej. Säbb denn sihhar, said dar Hansli, abar jetz khönni är nitta, well siina Vattar dZaabürschta in da Widarhooligskhurs mitgnoo hej ...
In Sahha Zeebutza sej dar Khantoon Sanggalla fürand, isch inara Röportaasch vu dar Schwizzar Illuschtriarta gschtanda. In allna Sanggallar Schuala müassandi alli Schüalar jeede Taag untar Khontrolla vu da Lehrer iarni Zee butza, alli Schualhüüsar sejandi darzua priima uusgrüschtat und dLehrer sejandi schpeziell uusbildat in dar Methodikh vum Zaabürschtalischport. Schribbt dia Illuschtriart. Im «Oschtschwizzar Tagblatt» schribbt Felix Rorschacher, är sej denn nitt ganz überzooga, daß dar ganz Khantoon Sanggalla asoo voorbildlich in Sahha Zeebutza sej. Zum Bejschpiil zRoorschach hejand zZaanärzt an äxtra Schualzaankliinikh wella. Abar dSchualgmaind sej dargäaga gsii. Dua hend Zaanärzt varlangt, dLehrer söllandi dar-

für sorga, daß dGoofa untar iarnar Khontrolla in dar Schual dZee butza tejandi. Abar oha, do sind a Tail Rorschacher Lehrer nitt dafür zhaa gsii. Das khemmi nitt in Froog, daß ma alls da Lehrer aahenkha tej, dEltara söllandi dafür sorga, daß iarni Goofa suubari Zee hejandi, susch wärdi no über khurz odar lang varlangt, daß dar Lehrer no Khindar baada müassi, da Maitla dHoor schträäla und da Buaba abgschprungni Khnöpf aanäaha. I bin dargäaga, daß ma dLehrer für allas und jeedas iischpannt. Ma sötti vu Eltara varlanga khönna, daß sii imschand sind, iarna Goofa untar andarm au zZeebutza bejzbringa, jeeda Taag, und jeeda Taag drejmool. Sötti ma maina. I glaubas zwor nitta. Solang nemmli wedar dar Vattar no dMama mit am guata Bejschpiil voraagöond, nützand alli guata Schprüch und Plakhäatli khai alta Huat. As schtoot abar um dZee vu da Khindar asoo schlächt, daß aifach aswas gmacht wärda muaß. Also häära mit da Lehrer?? Schtatt am Schualmorga singa odar bätta dZee butza?? I säagas aigantli nitt gäära: Villichtar sötti sich a Lehrergenerazioon opfara, zum a Genarazioon Lütt häära zzuühha, denna zZeebutza asoo in Flaisch und Bluat iina ggangan isch, daß as in Zua khumpft dSchual nümma bruucht, zum Sahha duura zfüara, wo aidüttig an Aagläähahait vu dan Eltara sii sötti.

Mitunter gibt man schrecklich an, doch kann man elend stranden; ich sah schon manchen Vordermann auf seinem Hintern landen. So mancher sah zu sich empor in aufgeblähter Heldenpose, doch kurze Zeit darauf verlor der Übermensch die Unterhose.

Richard Drews



Ein Platz an der Sonne